

*Schreiben der Hauptleute und Räte von Luzern, Uri, Zug und Glarus sowie des Landvogtes im Sarganserland an Bürgermeister und Rat von Chur betreffend die nochmalige Mahnung, zusammen mit ihren Verbündeten und den zu Ragaz und Azmoos liegenden eigenen, durch Zuzug ständig stärker werdenden Truppen gegen den Feind vorzugehen, der nach Einnahme der Luziensteig mit erheblicher Truppenstärke in Maienfeld, aber auch zu Balzers und am Rhein liege.*

*Or. (A), StadtA Chur, RA. 1499.014. – Pap. 31,5/22,5 cm. – Papiersiegel. – Anschrift: Den fürsichtigen ersamen vnd wisen burgermeister vnd rät der stat Chur, vnsren sundren gütten fründen vnd getrüwen lieben puntzgenossen.*

*Regest: Jecklin, Schwabenkrieg, II. Teil, S. 103, Nr. 50.*

l<sup>1</sup> Fürsichtigen<sup>a)</sup> ersamen<sup>b)</sup> wisen sundren gütten fründe vnd getrüwen lieben puntzgnossen. Was wir eren liebs vnd gütz l<sup>2</sup> vermugend, sy vch bereit züvor. Der manung nach, so wir vch vff gester getan habend, hettend wir wol vermeint, l<sup>3</sup> ir hettind vch nit so lang gesumt. Nüt dester minder so manend wir vch so hoch wir vch ze manen<sup>c)</sup> habend, l<sup>4</sup> dz ir noch mäls mit vwer macht fürderlich by angesicht des briefs zü vns ziehind, dann die vyend mit einer merck- l<sup>5</sup> licher zal lüten zü Meyenfeld<sup>1</sup> ligend, so sy die letzi vff der Steig<sup>2</sup> gewonnen<sup>d)</sup>, als vns nit zwifelt, ir dz wol ver- l<sup>6</sup> nomen habend. Vnd noch vil ein grössrer<sup>e)</sup> huf der vyenden ligend gegen vns zü Baltzers<sup>3</sup> vnd an dem Rin. Vnd wellen, l<sup>7</sup> dz allen vweren zügewanten, die ir ze manen hand, fürderlich ze wissen tün vnd wellen hierinn nit sümig sin. l<sup>8</sup> Denn nach dem vnd vnser herren von Lutzern<sup>4</sup>, Vre<sup>5</sup>, Zug<sup>6</sup>, Glarus<sup>7</sup> vnd Sangaserland<sup>8 f)</sup> mit iren baneren vnd venlinen l<sup>9</sup> im feld zü Ragatz<sup>9</sup> vnd zü Atzmaus<sup>10</sup> ligend vnd sich dz volch vff vnser der eidg(enossen) siten von stund ze stund in sölicher mäss meret, l<sup>10</sup> so hoffend wir zü got dem almechtigen, in disem kriegs löff lob vnd er inzelegen. Tünd hierinn nach vnserem vertruwen, l<sup>11</sup> dz sol vmb vch von vns inkünfftig zit zü gütten nit vergessen werden. Datum vff<sup>g)</sup> frytag nach s. Dorothea tag l<sup>12</sup> anno etc. LXXXXIX, vngeuarlich vmm die XII nach mittag.

l<sup>13</sup> Hoptlüt vnd rät der vier<sup>h)</sup> orten Lutzern, l<sup>14</sup> Vre, Zug vnd Glarus vnd vch lantuogt l<sup>15</sup> in Sangaserland.

a) *Initiale F 3,2 cm. – b) Initiale E 0,8 cm hoch. – c) manen aus manend korr. – d) Es folgt durchgestr. habend – e) Es folgt durchgestr. hug. – f) Es folgt durchgestr. by. – g) Es folgt durchgestr. nac. – h) vier anstelle von durchgestr. dryer über der Zeile eingeflickt.*

<sup>1</sup> *Maienfeld, Gem. u. Kr. GR (CH).* – <sup>2</sup> *Luziensteig, Pass, Gem. u. Kr. Maienfeld / Gem. Balzers FL.* – <sup>3</sup> *Baltzers.* – <sup>4</sup> *Luzern, Stadt u. Kt. (CH).* – <sup>5</sup> *Uri, Tal u. Kt. (CH).* – <sup>6</sup> *Zug, Stadt u. Kt. (CH).* – <sup>7</sup> *Glarus, Gem. u. Kt. (CH).* – <sup>8</sup> *Sargans, Stadt u. Bez. SG (CH).* – <sup>9</sup> *Ragaz, Bez. Sargans.* – <sup>10</sup> *Azmoos, Gem. Wartau, Bez. Werdenberg SG.*